

ევროპის სოციალური ქარტია მოკლე მიმოხილვა



European
Social
Charter

Charte
sociale
européenne

COUNCIL OF EUROPE



CONSEIL DE L'EUROPE

„ევროპის სოციალური ქარტია და მისი მონიტორინგის პროცედურა წარმოადგენენ მნიშვნელოვან ინსტრუმენტებს ევროპის საბჭოს წევრი სახელმწიფოებისთვის. მათი დახმარებით სახელმწიფოებს შეუძლიათ იყენენ უკეთ ინფორმირებულნი და უკეთ მოემზადონ ქარტიით დაცული ადამიანის უფლებების სფეროში გადაწყვეტილებების მისაღებად. ეს ინსტრუმენტები კარგი მმართველობის ნაწილია, რომლის განხორციელებაც ყველა ადამიანისთვის ყველა სახელმწიფოს ვალია. კარგი დემოკრატიული (ან მონაწილეობითი) მმართველობა სწორადაც რომ კარგი არგუმენტი სახელმწიფოების დასარწმუნებლად, რომ მიუერთდნენ ქარტიის მეტ და სასურველია ყველა დებულებას და ასევე კოლექტიური საჩივრების პროცედურას“.

ჯუზეპე პალმიზანო, ევროპის სოციალურ უფლებათა კომიტეტის პრეზიდენტი

ფოტოები: © ევროპის საბჭო
ყდის დიზაინი და გრაფიკული
უზრუნველყოფა:

დოკუმენტაციისა და პუბლიკაციების
დეპარტამენტი, ევროპის საბჭო

© ევროპის საბჭო, ნოემბერი 2020
დაბეჭდილია ევროპის საბჭოში



ქართით გათვალისწინებული უფლებები

ქართით გათვალისწინებული უფლებები თითოეულ ადამიანს, მის ყოველდღიურ ცხოვრებას ეხება. ქარტია განსაკუთრებულ ყურადღებას აქცევს მოწყვლადი ადამიანებისა და ჯგუფების უფლებებს.

საცხოვრებლით უზრუნველყოფა

- ▶ საკანონმდებლო ჩარჩო ადეკვატური სტანდარტის საცხოვრებლის უზრუნველსაყოფად (უსაფრთხო, ჯანსაღი და ადეკვატური ზომის საცხოვრებელი) (31§1)
- ▶ სამართლებრივი და პროცედურული დაცვა გამოსახლების შემთხვევაში (31§1, 31§2)
- ▶ პოლიტიკა და ქმედება უსახლკარობის პრევენციისთვის (31§2)
- ▶ უსახლკარო ადამიანების ადეკვატური თავშესაფრით უზრუნველყოფა (31§2, 13§4)
- ▶ ადეკვატური ხარისხის და რაოდენობის სოციალური საცხოვრებლის უზრუნველყოფა (31§3)

ჯანმრთელობის დაცვა

- ▶ ჯანსაღი გარემოს უზრუნველყოფა (11§3)
- ▶ საზოგადოებრივი ჯანდაცვის გაუმჯობესება ამ სფეროში განათლების და დაავადებათა სკრინინგის გზით (11§2)
- ▶ დაავადებათა და უბედურ შემთხვევათა პრევენცია (11§3, 3§2)
- ▶ ადეკვატური და ხელმისაწვდომი სამედიცინო მომსახურების და მასზე ეფექტური წვდომის უზრუნველყოფა (11§1)
- ▶ გადაუდებელი სამედიცინო დახმარება ხელმოკლე ადამიანებისთვის, მათ შორის დროებით მცხოვრები პირებისთვისაც (13§1, 13§4)
- ▶ დაცვა ორსულობის პერიოდში და შესაბამის სერვისებზე წვდომა (11§1, 11§2), ქალების სამუშაო პირობების რეგულირება ორსულობის პერიოდსა და დეკრეტულ შვებულებასთან დაკავშირებით (8)
- ▶ უსაფრთხო და ჯანსაღი სამუშაო გარემო (3§1, 3§2, 3§3, 3§4, 2§4)

განათლება

- ▶ უფასო დაწყებითი და საშუალო განათლება ყველა ბავშვისთვის (17§1, 7§3)
- ▶ პროფესიული ორიენტაციის უფასო და ეფექტიანი სერვისები (9)
- ▶ პროფესიული ტრენინგები (უწყვეტი განათლების ჩათვლით), სტაჟირებები და უმაღლეს განათლებაზე წვდომა მხოლოდ ინდივიდუალური უნარების საფუძველზე (10)
- ▶ განათლებაზე, პროფესიულ გადამზადებასა და რეაბილიტაციაზე სრული წვდომა შეზღუდული შესაძლებლობების მქონე პირთათვის (15§1, 10§1, 1§4)
- ▶ ენის სწავლება მიგრანტებისთვის (19§11, 19§12)

დასაქმება

- ▶ წვდომა დასაქმებაზე:
 - სრული დასაქმების კენ მძიმართული პოლიტიკის შემუშავება და სამუშაოზე თანასწორი და ეფექტური წვდომის უზრუნველყოფა (1§1)
 - უფასო დასაქმების სამსახური სამუშაოს მაძიებლებისთვის (1§3) და ზომების მიღება ხანგრძლივად უმუშევრების შრომის ბაზარზე რეინტეგრაციისთვის (10§4)
 - რეაბილიტაციის სერვისები (1§4) და შრომის ბაზარზე (15§2) თანაბარი წვდომა შეზღუდული

შესაძლებლობების მქონე პირთათვის

- ბარიერების მოშლა ქარტიის წევრ სხვა სახელმწიფოებში შემოსავლიანი საქმიანობის დასაწყებად (18)
- ▶ თანაბარი შრომითი შესაძლებლობები და ანაზღაურება ქალებისა და მამაკაცებისთვის (1§2, 4§3, 20)
- ▶ ექსპლუატაციის აკრძალვა:
 - იძულებითი ან ძალადობრივი შრომის აკრძალვა, პატიმართა შრომისა და შიდა სამუშაო ბაზრის რეგულირება (1§2)
 - 15 წელზე მცირე ასაკის ბავშვების შრომის აკრძალვა (7§1)
- ▶ კოლექტიური შრომითი ურთიერთობები:
 - პროფესიული კავშირებისა და დამსაქმებელთა ორგანიზაციების შექმნის ან მათში გაწევრიანების უფლება, მათი საქმიანობების დამოუკიდებლად წარმართვის გარანტია (5) და მშრომელთა წარმომადგენლების დაცვა (28)
 - ერთობლივი კონსულტაციები (6§1), კოლექტიური შეთანხმება (6§2), შრომითი დავების მოგვარება (6§3) და კოლექტიური ქმედება (6§4)
 - მშრომელთა ინფორმირება, კონსულტირება (21) და შრომითი პირობებისა და გარემოს განსაზღვრასა და გაუმჯობესებაში მათი ჩართვა (22)

- ▶ მშრომელთა დაცვა:
 - ჯანმრთელი და უსაფრთხო სამუშაო ადგილი (3), სამართლიანი სამუშაო პირობები (2) და ღირსეული ანაზღაურება (4§1, 4§2, 4§5)
 - მშრომელთა პირადი ცხოვრების ხელშეუხებლობა (1§2), მათი დაცვა შევიწროების ნებისმიერი ფორმისაგან (26)
 - დასაქმებული ახალგაზრდების (15-დან 18 წლამდე) დაცვა (7), ქალების დაცვა დედობასთან დაკავშირებულ საკითხებში (8) და ოჯახური ვალდებულებების მქონე მუშაკთა დაცვა (27)
- ▶ გარანტიები დასაქმების შეწყვეტის შემთხვევაში (4§4, 24, 25, 29, 8§2, 27§3)

სოციალური დაცვა

- ▶ სიღარიბისა და სოციალური გარიყვისაგან დაცვა (30)
- ▶ სათანადო სოციალური უსაფრთხოება (12), წევრ ქვეყნებს შორის გადაადგილებული პირების თანაბარი შრომითი მოპყრობა (12§4)
- ▶ სათანადო სოციალური და სამედიცინო დახმარება ხელმოკლე ადამიანებისთვის (13§1, 13§4)
- ▶ სიღარიბის პრევენცია, აღმოფხვრა ან შემცირება (13§3)
- ▶ ეფექტიანი და მაღალხარისხიანი სოციალური მომსახურება (14), კონსულტირების, რჩევის, საცხოვრებელ ადგილზე დახმარების, შინმოვლის ჩათვლით

- ▶ ზომები ოჯახების დასახმარებლად (მაგ. ოჯახური კონსულტაციები, საშუამდგომლო მომსახურება, ოჯახში ძალადობისაგან დაცვა, ოჯახური შეღავათები), თანასწორობა მეულღეეებისთვის, მშობლის უფლებების დაცვა, ბავშვზე ზრუნვის ინსფრასტრუქტურისა და სერვისების უზრუნველყოფა (16, 27§1)
- ▶ მცირეწლოვანთა დაცვა ფიზიკური და მორალური საფრთხეებისგან, როგორცაა სექსუალური ექსპლუატაცია, ადამიანებით ვაჭრობა, საინფორმაციო ტექნოლოგიების არასწორი გამოყენება (7§10), არაჯანსაღი მოპყრობა და შევიწროება, მათ შორის ფიზიკური დასჯა (17)

ინტეგრაცია და ჩართულობა

- ▶ ხანდაზმული ადამიანების უფლება, დარჩნენ საზოგადოების აქტიურ წევრებად; მათთვის სათანადო მომსახურების, ინფრაქტრუქტურის, განსახლებისა და ჯანდაცვის სერვისების უზრუნველყოფა, ხანდაზმულ პირებზე ინსტიტუციური მზრუნველობა და მათი დაცვა ძალადობისაგან (23)
- ▶ შეზღუდული შესაძლებლობების მქონე პირთა ჩართვა საზოგადოებრივ ცხოვრებაში დისკრიმინაციის აკრძალვის გზით; დაინტერესებულ ჯგუფებთან კონსულტაციების შედეგად შემუშავებული პოლიტიკის გატარების გზით, ტექნიკური და ფინანსური დახმარებით მათი

ავტონომიის მხარდასაჭერად. ინკლუზიური ზომების შემუშავება კომუნიკაციის, ტრანსპორტირების, განსახლების, კულტურულ საქმიანობებში ჩართვისა და დასვენების თანასწორი უფლების უზრუნველსაყოფად (15§3)

- ▶ მიგრანტ მუშაკთა ინფორმირება და მომსახურება (19§1-3)
- ▶ მიგრანტ მუშაკთა თანასწორი შრომითი მოპყრობა, თანაბარი ანაზღაურება და სხვა შრომითი პირობები, პროფკავშირების წევრობის უფლება, კოლექტიური ხელშეკრულებების უპირატესობებით სარგებლობა განსახლებასთან (19§4), გადასახადებთან, შემოსავლებთან, მართლმსაჯულებაზე წვდომასთან (19§7) დაკავშირებით
- ▶ ოჯახის გაერთიანების უფლება მიგრანტი მუშაკებისთვის (19§6) და მათი დაცვა დეპორტაციისაგან (19§8)

დისკრიმინაციის აღმოფხვრა

ქარტიით გათვალისწინებულ უფლებები გარანტირებული უნდა იყოს თითოეული ადამიანისთვის, მათ შორის კანონიერად მცხოვრები და/ან მომუშავე უცხოელებისთვის; დაუშვებელია ნებისმიერი სახის დისკრიმინაცია რასის, კანის ფერის, სქესის, ასაკის, ენის, მრწამსის, პოლიტიკური თუ სხვა სახის შეხედულების, გეოგრაფიული თუ სოციალური წარმომავლობის, ჯანმრთელობის მდგომარეობის, ეროვნული უმცირესობისადმი მიკუთვნების, დაბადებისა თუ სხვა სტატუსის, მათ შორის შეზღუდული შესაძლებლობების საფუძველზე (E)

სოციალურ უფლებათა ევროპული კომიტეტი

სოციალურ უფლებათა ევროპული კომიტეტი (შემდგომში „კომიტეტი“), აკონტროლებს წევრი ქვეყნების შიდა კანონმდებლობების შეთავსებას ქარტიის მოთხოვნებთან. მის თხუთმეტ დამოუკიდებელ წევრს ირჩევს ევროპის საბჭოს მინისტრთა კომიტეტი ექვსწლიანი ვადით, რომლის გაგრძელება ერთხელ არის შესაძლებელი. კომიტეტი ორი პროცედურის საშუალებით ასრულებს ზედამხედველობის ფუნქციას: ესენია ანგარიშგების პროცედურა და კოლექტიური საჩივრების პროცედურა.

ანგარიშგების პროცედურა

წევრი ქვეყნები რეგულარულად წარადგენენ ანგარიშებს ქარტიის დებულებებითა შესრულების შესახებ. თითოეული ანგარიში მზადდება ქარტიის იმ დებულებებზე, რომლებზეც მოცემული სახელმწიფო მიერთებულია.

კომიტეტი შეისწავლის ვითარებას წევრ ქვეყნებში და ადგენს, შეესაბამება თუ არა იგი ქარტიის მოთხოვნებს. მისი „დასკვნები“ ყოველწლიურად ქვეყნდება.

თუ წევრი სახელმწიფო არაფერს მოიმოქმედებს კომიტეტის გადაწყვეტილებასთან დაკავშირებით, რომელიც შეიცავს დასკვნას, რომ

ეს ქვეყანა არ ასრულებს ქარტიის მოთხოვნებს, მინისტრთა კომიტეტი უფლებამოსილია, რეკომენდაცია გაუზიაროს ასეთ ქვეყანას და მოსთხოვოს მას ვითარების შეცვლა როგორც საკანონმდებლო, ასევე პრაქტიკულ დონეზე. მინისტრთა კომიტეტის სამუშაოს ამზადებს ქარტიის წევრი ქვეყნების მთავრობების წარმომადგენლებსგან შემდგარი სამთავრობო კომიტეტი, ევროპის დამსაქმებელთა ორგანიზაციებისა და პროფესიული კავშირების წარმომადგენელ დამკვირვებელთა დახმარებით.

კოლექტიური საჩივრების პროცედურა

ქარტიის დამატებითი ოქმის მიხედვით, რომელიც 1998 წელს შევიდა ძალაში, ადგილობრივ პროფესიულ კავშირებსა და დამსაქმებელთა ორგანიზაციებს, ისევე, როგორც ზოგიერთ ევროპულ პროფკავშირსა და დამსაქმებელთა ორგანიზაციას (ევროპის პროფესიული კავშირების კონფედერაცია (ETUC), BUSINESS EUROPE (ყოფილი UNICE), დამსაქმებელთა საერთაშორისო ორგანიზაცია (IOE)), ასევე ზოგიერთ საერთაშორისო არასამთავრობო ორგანიზაციას, შეუძლია კომიტეტის

წინაშე საჩივრის შეტანა ქარტიის დებულებათა დარღვევის შესახებ. საჩივრის შეტანა შეუძლიათ ადგილობრივ არასამთავრობო ორგანიზაციებსაც შესაბამისი ქვეყნის მხრიდან ასეთი განაცხადის შემთხვევაში.

საჩივარი უნდა შეიცავდეს ინფორმაციას, რომელიც ადასტურებს, რომ საჩივრის წარმდგენი ორგანიზაცია ასრულებს ოქმის მოთხოვნებს. მასში მითითებული უნდა იყოს სახელმწიფო, რომლის წინააღმდეგაც ხდება საჩივრის შეტანა, ქარტიის ის დებულება (დებულებები), რომელიც (რომლებიც) დაირღვა საჩივრის წარმდგენთა აზრით და დავის საგანი, სხვა დამხმარე განმარტებით დოკუმენტებს და საჭირო დაზუსტებებთან ერთად.

საჩივარი დაწერილი უნდა იყოს ინგლისურად ან ფრანგულად ან, ადგილობრივი ორგანიზაციების შემთხვევაში, შესაბამისი ქვეყნის ოფიციალურ ენაზე (ენებზე).

კომიტეტი შეისწავლის საჩივარს და თუ მისაღებად მიიჩნევს მას, წამოიწევს წერილობით პროცედურას მხარეებისთვის შესაბამისი შეტყობინების გაგზავნით. კომიტეტს შეუძლია საჯარო მოსმენის დანიშვნა საჩივრის განხილვის პროცესში. საჩივრის მართებულობასთან დაკავშირებით თავის საბოლოო გადაწყვეტილებას კომიტეტი უგზავნის მომჩივნს და მოპასუხე მხარეებს და მინისტრთა კომიტეტს. ამ გადაწყვეტილებას

ანგარიშის სახე აქვს, რომელიც ოთხი თვის ვადაში უნდა გასაჯაროვდეს.

თუ კომიტეტი გამოავლენს ქარტიის დებულებათა დარღვევას, ევროპის საბჭოს მინისტრთა კომიტეტი მოუწოდებს შესაბამის მოპასუხე ქვეყანას, განსაზღვროს ზომები, რომლებითაც აპირებს არსებული ვითარების მორგებას ქარტიის მოთხოვნებთან. კომიტეტი იღებს რეზოლუციას და, საჭიროების შემთხვევაში, რეკომენდაციასაც აძლევს შესაბამის ქვეყანას, კონკრეტული ზომები გაატაროს ქარტიის მოთხოვნების შესასრულებლად.

ქარტიის გამოყენების შედეგები სხვადასხვა სახელმწიფოში

მონიტორინგის სისტემის შედეგად სახელმწიფოებმა ცვლილებები შეიტანეს ადგილობრივ კანონებში და/ან პრაქტიკაში, რათა შიდა ვითარება ქარტიის დებულებებისთვის მოერგოთ. ამ შედეგების (და მიმდინარე ცვლილებების) შესახებ დეტალური ინფორმაცია ასახულია ქვეყნების მონაცემთა ცხრილებში, რომლებიც განთავსებულია ვებ-გვერდზე: www.coe.int/socialcharter

დამატებითი ინფორმაცია ქარტიის შესახებ

- ▶ სოციალური ქარტიის ვებ-გვერდზე განთავსებულია ყველა წევრი ქვეყნის ანგარიშები, სოციალურ უფლებათა ევროპული კომიტეტის დასკვნები,

გადაწყვეტილებები და ქვეყნების
საინფორმაციო ცხრილები

- ▶ ქარტიის მონაცემთა ბაზა HUDOC (<http://hudoc.esc.coe.int>) და ქარტიის მაცნე კომიტეტის პრეცედენტული სამართლის შესახებ ინფორმაციის მოძიების საშუალებას იძლევა
- ▶ ბიბლიოგრაფია, რომლის განახლებაც ხდება რეგულარულად.

ევროპის სოციალური ქარტიის
დეპარტამენტი
გენერალური დირექტორატი
ადამიანის უფლებები და კანონის
უზენაესობა
ევროპის საბჭო
F-67075 Strasbourg Cedex

- ▶ **Email:** social.charter@coe.int
- ▶ **Web:** www.coe.int/socialcharter
- ▶ **Twitter:** [@social_charter](https://twitter.com/social_charter)

ევროპის საბჭოსა და ევროპის სოციალური ქარტიის წევრი ქვეყნები

ვითარება 2020 წლის 1 ივნისის მდგომარეობით

წევრი ქვეყნები	ხელმოწერა	რატифიკაცია	კოლექტიური საჩივრების პროცედურის მიღება
ალბანეთი	21/09/1998	14/11/2002	
ანდორა	04/11/2000	12/11/2004	
სომხეთი	18/10/2001	21/01/2004	
ავსტრია	07/05/1999	20/05/2011	
აზერბაიჯანი	18/10/2001	02/09/2004	
ბელგია	03/05/1996	02/03/2004	23/06/2003
ბოსნია და ჰერცეგოვინა	11/05/2004	07/10/2008	
ბულგარეთი	21/09/1998	07/06/2000	07/06/2000
ხორვატია	06/11/2009	26/02/2003	26/02/2003
კვიპროსი	03/05/1996	27/09/2000	06/08/1996
ჩეხეთის რესპუბლიკა	04/11/2000	03/11/1999	04/04/2012
დანია	* 03/05/1996	03/03/1965	
ესტონეთი	04/05/1998	11/09/2000	
ფინეთი	03/05/1996	21/06/2002	17/07/1998 X
საფრანგეთი	03/05/1996	07/05/1999	07/05/1999
საქართველო	30/06/2000	22/08/2005	
გერმანია	* 29/06/2007	27/01/1965	
საბერძნეთი	03/05/1996	18/03/2016	18/06/1998
უნგრეთი	07/10/2004	20/04/2009	
ისლანდია	04/11/1998	15/01/1976	
ირლანდია	04/11/2000	04/11/2000	04/11/2000
იტალია	03/05/1996	05/07/1999	03/11/1997
ლატვია	29/05/2007	26/03/2013	
ლიხტენშტეინი	09/10/1991		

წევრი ქვეყნები	ხელმოწერა	რატიფიკაცია	კოლექტიური საჩივრების პროცედურის მიღება
ლიეტუვა	08/09/1997	29/06/2001	
ლუქსემბურგი*	* 11/02/1998	10/10/1991	
მალტა	27/07/2005	27/07/2005	
მოლდოვის რესპუბლიკა	03/11/1998	08/11/2001	
მონაკო	05/10/2004		
მონტენეგრო	22/03/2005	03/03/2010	
ნიდერლანდები	23/01/2004	03/05/2006	03/05/2006
ნორვეგია	07/05/2001	07/05/2001	20/03/1997
პოლონეთი	25/10/2005	25/06/1997	
პორტუგალია	03/05/1996	30/05/2002	20/03/1998
რუმინეთი	14/05/1997	07/05/1999	
რუსეთის ფედერაცია	14/09/2000	16/10/2009	
სან მარინო	18/10/2001		
სერბეთი	22/03/2005	14/09/2009	
სლოვაკეთის რესპუბლიკა	18/11/1999	23/04/2009	
სლოვენია	11/10/1997	07/05/1999	07/05/1999
ესპანეთი	23/10/2000	06/05/1980	
შვედეთი	03/05/1996	29/05/1998	29/05/1998
შვეიცარია	06/05/1976		
ჩრდილოეთ მაკედონია	27/05/2009	06/01/2012	
თურქეთი	06/10/2004	27/06/2007	
უკრაინა	07/05/1999	21/12/2006	
გაერთიანებული სამეფო	* 07/11/1997	11/07/1962	
ქვეყნების რაოდენობა	47	2 + 45 = 47	9 + 34 = 43
			15

მსხვილი შრიფტით გამოსახული მონაცემები შეესაბამება 1961 წლის ქარტის ხელმოწერის ან რატიფიკაციის თარიღს; დანარჩენი მონაცემები ასახავს ქარტის განახლებული, 1996 წლის ვერსიის ხელმოწერას ან რატიფიკაციას.

* სახელმწიფოები, რომელთა მიერ რატიფიკაცია აღუცილებელია 1991 წლის ცვლილებათა ოქმის ძალაში შესვლისთვის. მინისტრთა კომიტეტის მიერ მიღებული გადაწყვეტილების თანახმად, ეს ოქმი პრატიკულად უკვე გამოიყენება.

X სახელმწიფო, რომელმაც აღიარა ადგილობრივი არასამთავრობო ორგანიზაციების უფლება, კოლექტიური საჩივარი შეიტანონ მის წინააღმდეგ.

ეს ცხრილი მუდმივად ახლდება ქარტის ვებ-გვერდზე: www.coe.int/socialcharter

ევროპის სოციალური ქარტია, რომელიც მიღებული იქნა 1961 წელს და განახლდა 1996 წელს, ადამიანის უფლებათა ევროპული კონვენციის ანალოგია ეკონომიკური და სოციალური უფლებების სფეროში. ის იცავს დასაქმების, საცხოვრებელი ადგილით უზრუნველყოფის, ჯანდაცვის, განათლების, სოციალური დაცვისა და კეთილდღეობის უფლებებს.

არცერთი სხვა სამართლებრივი ინსტრუმენტი არ უზრუნველყოფს სოციალური უფლებების ისეთ ყოვლისმომცველ და სრულ დაცვას ევროპის მასშტაბით, როგორსაც სოციალური ქარტია.

ამრიგად, ქარტია აღიქმება, როგორც ევროპის სოციალური კონსტიტუცია და წარმოადგენს ადამიანის უფლებათა სტრუქტურის არსებით შემადგენელ ნაწილს კონტინენტზე.

www.coe.int/socialcharter

www.coe.int

ევროპის საბჭო არის ადამიანის უფლებათა მოწინავე ორგანიზაცია კონტინენტზე. იგი 47 წევრი სახელმწიფოსაგან შედგება, რომელთა შორისაა ევროკავშირის ყველა წევრი ქვეყანა. ევროპის საბჭოს ყველა წევრმა სახელმწიფომ ხელი მოაწერა ადამიანის უფლებათა ევროპულ კონვენციას – ხელშეკრულებას, რომლის მირითაც მიზანს ადამიანის უფლებების, დემოკრატიისა და კანონის უზენაესობის დაცვის უზრუნველყოფა წარმოადგენს. ადამიანის უფლებათა ევროპული სასამართლო ზედამხედველობს კონვენციის შესრულებას წევრ სახელმწიფოებში.



European
Social
Charter

Charte
sociale
européenne

COUNCIL OF EUROPE



CONSEIL DE L'EUROPE